

*[Faint handwritten text in a non-Latin script, likely Cyrillic, is visible in the upper margin.]*

SYNODVS

DIOECESANA

Sibinicensis.

In Laodicea sub interuallo Synodi  
diocesanae sequentes

<u>Moyssi maxelli</u>	<u>an: 1637</u>	<u>pag: 1.</u>
<u>Vincentii Striganii</u>	<u>an: 1602</u>	<u>9.</u>
<u>= Laudati Epi.</u>	<u>an: 1609</u>	<u>27.</u>
<u>= Guydem Epi.</u>	<u>an: 1611.</u>	<u>27.</u>
<u>= Sic etiam</u>	<u>an: 1613</u>	<u>32.</u>
<u>= Pham J. Epi.</u>	<u>an: 1618</u>	<u>40.</u>
<u>= Laudati Epi.</u>	<u>an: 1623</u>	<u>46.</u>
<u>= Pham.</u>	<u>an: 1626.</u>	<u>55.</u>
<u>Joannis Bonifacii Calyori</u>	<u>1647.</u>	<u>59.</u>

# CONSTITVTIONES, <sup>3</sup> ET DECRETA

*Illustrissimi, ac Reverendissimi D.*

JOANNIS DOMINICI  
CALEGARI

Episcopi Sibinicensis. <sup>†</sup> *4. aut Sibinica  
caſa = 16. b. m. -  
co.*  
*Promulgata*

In Dioceſana Synodo Die 28. Octobris Anno  
MDCLXXXVII. Episcopatus ſui  
Anno XI.

*Adiectis Decretis, & Constitutionibus ſuorum Praedeceſſorum.  
Nunc confirmatis, & denno impreſſis.*



V E N E T I I S, M.DCC.

Typis Hieronymi Albritij.  
S V P E R I O R V M P E R M I S S V.

CONSTANTINOPLE  
AT THE PRESS OF

JOHN B. DUNN  
CAREY & CO.

1857-1858  
1857-1858

THE  
OF THE  
THE  
THE



THE UNIVERSITY OF CHICAGO

1857-1858

In Nomine Sanctissimæ Trinitatis, Patris, & Filii, & Spiritus Sancti. Amen.

IOANNES DOMINICVS CALEGARI

Dei, & Apostolicæ Sedis Gratia Episcopus  
Sibinicensis.

Glorio Dilectissimo Civitatis, & Diœcesis nostræ,  
Salutem in Domino.

**E**X quo Divina Bonitati placuit infirmitatem nostram, viribus tanto oneri ferendo licet imparibus, huius Dilectissima Civitatis, & Diœcesis Regimini præsicere, nihil magis toto mentis conatu studuimus, quam operam dare sedulam, ut quæ vel sacrorum Canonum institutis, vel Generalium Conciliorum, ac præsertim Tridentini Decretis, vel Optimorum Præsulum Antecessorum Nostrorum Vigilantia rectè, salubriterque sancita sunt, inviolabili tenore in suo statu,

statu, si minus suo loco mota essent, firma, rataque persisterent, seu pristino vigori quam celerimè restituerentur, si quicquam de illorum observantia fuisset remissum. Hinc non pratermissimus pro virili parte lustrata pluries Diœcesi perpendere diligenter ea quæ ad morum salubrem institutionem, & ad fidelium animarum salutem viderentur conducibilia, ac tandem ne quicquam intentatum relinqueremus, quod ad commissi nobis gregis incolumitatem, & ad Ecclesiasticam disciplinam restituendam expedire putaremus, in dicta Diœcesana Synodo, quæ p̃ys Prædecessorum nostrorum sanctionibus decreta sunt renovare non modo, sed & nonnulla addere visum est, ut omni ignorantia prætextu semoto quæ cuique observanda essent ante omnium oculos perpetuò versarentur. Quamobrem vos moneo, & hortor, Sacerdotes Dilectissimi, filijque in Domino charissimi, ut quoniam ea, quæ in hac Synodo proposita fuere vestro quoque suffragio tam ardentè comprobastis, eadem pariter alacritatè, & mentis ardore toto pectore in illorum omnium observantiam incumbatis, ut præeunte Ecclesiastica disciplina luce, fidelis Grex nostro ductui in hac terrena peregrinatione traditus à recto christianarum virtutum tramite non aberret donec unà

cum

cum ovibus nobis commissis ad caelestem illam aeternamque patriam perveniamus, ubi sub omnium summo animarum rectore unum fiet ovile, & unus Pastor. Valete, Deumque orate pro me.



*Formula Professionis Fidei.*

**E**Go N. recipio, promitto, spondeo, profiteor  
detestor, anathematizo, voveo, & iuro ut in  
decretis, & formula professionis Fidei ex Bulla  
modo lectis, singula singulis referendo, sic me  
Deus adiuvet, & hæc Sancta Dei Evangelia.

*Formula Iuramenti Examinatorum*


**E**Go N. examinitoris Officium à me susceptum  
promitto, spondeo, ac iuro me fideliter, & sin-  
cere quantum in me est iuxta Sac. Conc. Trident.  
Decretum executurum, sic me Deus adiuvet, &  
hæc Sancta Dei Evangelia.

*Formula Iuramenti Punctatorum.*

**E**Go N. promitto, & iuro me in Officio meo pun-  
ctatoris obeundo, fidem, ac diligentiam præsti-  
tutum, sic me Deus adiuvet, & hæc Sancta Dei  
Evangelia.



1



# CONSTITVTIONES,

## ET DECRETA IN SYNODO

Dioecæsana Sibinicensi,

*Facta ab Illustrissimo, & Reverendissimo D.D. Aloyſio*

*Marcello Episcopo Sibinici Anno 1637.*

*Die 26. Mensis Octobris.*

### SVMMARIVM DECRETORVM.

*Primo decernitur. De Tonsura Clericorum.*

*2. De honesta Clericorum habitatione.*

*3. De Missa Festis diebus audienda.*

*4. De Missarum pro Defunctis celebratione.*

*5. De annua Confessionis, & Communionis præceptis.*

*6. De habitu Clericorum.*

*7. Confirmantur Decreta ab Antecessoribus facta.*

*Decerni-  
mus. Pri-  
mo*



T in capillorum attonſione, & barbæ abraſione religioſa mo-  
deſtia omnino ſervetur: nec de-  
ferantur deinceps barbulæ ad mo-  
dum militum nimis elegantes,  
vanæ, & acuminatæ, & non ſi-  
ne ſcandalo: & præcipuè alæ ſu-  
per labrum oblongæ, vel gran-  
des non ſint, quandoque etiam propter reveren-  
tiam

tiam sumptionis Calicis, sed ut Sacerdotes decet, honestè compositæ, & hoc sub pœna suspensionis à Divinis, & aliis pœnis ad arbitrium nostrum.

Clericale item signum in capite deferatur iuxta cuiuscumque ordinem, Clericis in minoribus sit parvum: In ordinibus Sacris maius: Sacerdotibus denique orbiculatum ad magnitudinem unius Hostiæ, qua uti solent in Missa.

Clericorum insuper iuniorum, qui vix vel primam lanuginem emittunt, quotidiana, vel biduana ablatio absolutè interdicitur: & sciant, huiusmodi vanitati incumbentes, se nequaquam ad ordines admissum iri.

2 Vt Sacerdotes, & Clerici omnes quicumque sint, tam in Civitate quàm extrâ morantes, & per Villas, Curati extrâ paternam, vel consanguineorum domum soli degentes, ancillas Iuvenes ad sibi inserviendum omnino non teneant, nec eas etiam pro minimo domus servitio in propriæ habitationis locum, noctis præsertim tempore, admittant: ad puritatis Sacerdotalis integritatem, venerationemque conservandam; nec non ad omnem scandali Populorum occasionem tollendam: sed Mulieres provectæ ætatis tantummodo. Quocirca decernitur, & statuitur vt 50. annorum ad minus numerum excedant, sintque alias bonæ æstimationis apud omnes, & Deum timentes, memores se ad sacrorum virorum ministerium dicatas.

Itaque Sacerdotes, & Clerici omnes, pro vt supra infra terminum 15. dierum huiusmodi mulierum nobis notulam deferant, in qua ætatis, & con.

conditionis, vt dictum est, relatio fideliter ad-  
notata sit, sub pœna contrasacientibus decem  
ducatorum Sacristiæ Ecclesiæ Cathedralis appli-  
candorum, suspensionis à divinis, & alijs pœnis  
ad arbitrium pro qualitate scandali.

3. Et quoniam ea, quæ circa Dei gloriam, Ec-  
clesiæ cultum, animarumque salutem sunt im-  
pedimenta, & abusus omnino è medio tollere,  
& removere ex animo intelligimus: idcirco Cu-  
ratis, Prædicatoribus, Confessarijs, ac Sacerdo-  
tibus cunctis mandamus, vt in eorum colloquijs,  
Prædicationibus, ac Confessionibus quanta  
sit præcepti Ecclesiastici de Missa diebus festi-  
vis ad minus audienda ( ad quod sub mortali  
tenemur ) vt impleatur: quanta necessitas, &  
excellentia meritorum Christi, fidelibus suadeant:  
quatenus videl. repræsentativa cruenti illius Sacri-  
ficii in Ara Crucis, in qua Salvator noster Chri-  
stus Iesus pro nostra Salute se ipsum obtulit Deo  
Patri: graviterque inculcent super negligentia,  
& despectu eius, gravissimam Dei offensam  
animadvertentes, Patrum, & Matrum, qui puel-  
las innuptas, sub prætextu consuetudinis Civita-  
tis, domi retinentes, semel tantummodo, bis,  
aut ter in Anno eis Sacrum audire permittunt,  
Quapropter parentibus omnibus in Domino præ-  
cipimus, & mandamus sub obtestatione Divini  
Judicii, ut Puellas huiusmodi innuptas filias suas  
ad Missam audiendam diebus festivis ducant, seu  
mittant, quemadmodum in festo Paschatis, ut  
audiant, faciunt, sub gravi pœna iræ, & indigna-  
tionis Omnipotentis Dei, & peccati mortalis incur-  
sione.

4  
Ob idque ad multorum excusationes tollendas (omnium commoditati, quantum in nobis est indulgentes) providimus, ut diebus festivis in tribus ex nostris Ecclesiis, quæ sunt prima Cathedralis Sancti Iacobi, secunda Sanctæ Mariæ Vallis Viridis, tertia Sanctissimæ Trinitatis Sacra celebretur Missa valdè manè, & ante Solis ortum, ut in Paschate fieri solet.

4 Circa defunctorum Missas præsertim in die depositionis contra Sacras Missalis Romani Rubricas, multi irrepsere abusus; ad aures namque nostras, non sine animi nostri dolore pervenit, in aliquibus Ecclesijs Missas defunctorum cum Planetis vel rubeis, vel albis, vel alterius non decentis coloris indifferenter celebrari. Propterea statuimus, & decernimus ne deinceps Missæ defunctorum, nisi cum planetis nigris celebrentur, sub pœna unius ducati, suspensionis à divinis, ac aliis pœnis ad arbitrium.

Insuper in Dominicis, & festis quibuscunque de præcepto, Missæ defunctorum nullatenus celebrentur; sed quandocumquè in his occurrat dies depositionis præsentè cadavere; quia est consuetudo, una tantum Missa celebrari potest, aliæ verò dicantur de Dominica, vel de festo pro ipso defuncto applicandæ sub pœnis prout in Rub. gen. & in subsidium sub pœna unius ducati, suspensionis à divinis, & aliis ad libitum.

5. Ad præsumptionem verò eorum coercendam, qui Dei nostri gratia, etiam per annos, abutentes, sanctissima Confessionis, & Communionis Sacramenta neglexerunt, Iudicium Magni Dei provocantes: districtè præcipimus, ac sub  
ob-

3

obtestatione iræ Divinæ; omni meliori modo;  
mandamus, quatenus infra terminum mensium  
duorum à publicatione actuum Synodaliū isto-  
rum, omni prorsus remota cavillatione, ea uti par  
est, mentis submissione, ac cordis contritione  
confessionis, & communionis, uti præfertur, Sacra-  
menta suscipiant, quemadmodum omnes utrius-  
que sexus Christi fideles, semel in anno suscipe-  
re tenentur: susceptionisque hujusmodi fidem  
per Curati attestationem in scriptis ad nos dese-  
rant, vel mittant, nemine penitus cujuscumque  
conditionis excepto, sub pœna excommunicatio-  
nis latæ sententiæ, ac aliis censuris, prout in Sacris  
Canon.

6. Quoniam autem non sine maxima Dei offen-  
sione, & populorum scandalo immemores aliqui  
ex Clero status illorum religiosi sine habitu Cle-  
ricali noctis tempore per Civitatem vagari mi-  
nimè verentur, cum citharis, vel aliis hujusmo-  
di instrumentis, etiam prophanas, ac lascivas  
cantando cantiones: Nos de Ecclesia Dei om-  
nia scandala colligere pro viribus cupientes,  
omnibus, & singulistam in Civitate, quàm ex-  
trà degentibus Presbyteris, & Clericis, ne in po-  
sterum nocturno tempore, uti præfertur, vaga-  
ri præsumant, nevé sine habitu Clericali etiam  
diurno tempore incedere audeant sub quocun-  
que itinerandi, vel equitandi prætextu, omni-  
nò præcipimus ad meritum salutaris obedientiæ;  
& hoc sub pœna carceris, & quatuor ducatorum  
fabricæ Sancti Iacobi applicandorum, & aliis ad  
libitum.

7. Cæterum, quia Prædecessores nostri multa piè,  
&



& utiliter sanxerunt; Nos eorum vestigiis pariter inhaerentes, omnia, & singula eorum Decreta, Constitutiones, & Statuta in omnibus, & per omnia admittimus, approbamus, & confirmamus omni meliori modo, & pro admissis, approbatis, & confirmatis declaramus, ac si de illis verbatim facta esset mentio, præcipuè verò Constitutiones, & Decreta Illustrissimi, ac Reverendissimi Domini Vincentii Arrigonii, mandantes Universis, ne sensui hujus nostræ declarationis, admissionis, approbationis, & confirmationis, quovis modo audeant contraire: sub pœnis, & censuris in eis contentis.

In quorum omnium fidem &c.

Dat. ex Palatio nostro Episcopali die 26. Mensis Octobris 1637.





# C A S V S

IN PROXIMA SYNODO  
M. DC. XXXVII.

Reservati Illustrissimo, & Reverendissimo  
D. Episcopo Sibiricensi,



1. *N*EFARIA consuetudine Deum, Be-  
tam Virginem, ceterosque Sanctos  
blasphemantes, dummodò non sa-  
pient manifestè haresim.
2. *H*omicida voluntarii. Abortum pro-  
curantes. Pueros suffocantes, & In-  
cendiarii ex malitia, & tenentes pue-  
rum in lecto ante completum annum.
3. *A*butentes rebus Sacris quibuscumque. Item maleficia,  
incantationes, sortilegia cujuscumque generis facientes,  
procurantes, vel apud se tenentes, absque tamen errore in  
intellectu.
4. *N*on solventes legata ad pias causas, & decimas, ac terrati-  
ca Ecclesiis, vel personis Ecclesiasticis. Item scripturas tenen-  
tes Ecclesiasticas, & non notificantes.
5. *C*oncubinarij notorii, Raptores, & eorum cooperatores, mo-  
do sequatur effectus: sacrilegium perpetrantes: incestuosi in  
primo, & secundogradu, brutorum concubitores, & masculorum.
6. *C*arnes, aliosque vetitos cibos ab Ecclesia diebus prohibitis sine  
licentia manducantes.

7. *Parentes, nolentes, negantes, ac prohibentes filias innuptas diebus festiuis de praecepto Missam audire sub antiquae consuetudinis praetextu.*
8. *Ecclesiastici quicunque tam Sacerdotes, quàm Clerici cartarum lusores.*

**Finis Synodi Dioecesanæ Illustrissimi, ac Reverendissimi D. D. Aloysii Marcello.**

**Sequuntur Constitutiones, & Decreta Illustrissimi, ac Reverendissimi D. D. Vincentii Arrigonii, videlicet.**





# CONSTITUTIONES;

## ET DECRETA IN SYNODO

Diœcesana Sibinicensi,

*Facta ab Illustrissimo, & Reverendissimo D.D. Vincentio  
Arrigano Episcopo Sibinici Anno 1602.*

### *De Fidei Professione.*

1



VLLVS ad animarum curam, siue quodcumque aliud Beneficium Ecclesiasticum admittatur, nisi prius in manibus nostris, vel nostri Vicarij fidei professionem emiserit. Idem faciant Concionatores.

2. De dignitatibus siue de Canonicatibus provisi fructus non faciant suos, nisi præmissa fidei professione iuxta Sacri Concilij Tridentini Decreta; aliter facientibus illis adepta possessio non suffragetur, pœnisque arbitrariis mulctabuntur.
3. Nullus ad sacrum Ordinem Presbyteratus admittatur, nisi prævia fidei professione; aliter ordinatus intelligatur ipso facto suspensus ad arbitrium.
4. Non audeat quis pro ludi Magistro se exhibere, nec publicè, nec privatè, nisi professio-

B

ne

ne fidei facta coram Nobis, vel Generali Vicario sub pœna interdicti ingressus Ecclesiæ.

*De fidei Propagatione, & Conservatione.*

Omnibus tam in Civitate, quàm extra in nostra Dicecesi curam animarum habentibus mandamus, & in meritum sanctæ Obedientiæ præcipimus, ac sub pœna suspensionis. nec non & privationis beneficiorum in notabiliter, & pertinaciter delinquentibus, ut singulis diebus festivis faciant convocare pueros ad Ecclesiam post prandium, eosque juxta sacri Concilij Tridentini sancita doctrinam Christianam doceant, erigendamque mandamus Societatem ad hunc effectum in nostra Cathedrali.

Hortamur omnes, ac in Domino obsecramus, tam Clericos, quam seculares, quatenus velint se exemplum præbere infidelibus, tam in Civitate, quam extra ob illorum vicinitatem, conversantibus, ut bono exemplo moti cognoscant sanctæ fidei Christianæ sanctitatem, & puritatem, eamque Deo auxiliante amplectantur.

Caveat unusquisque, ut ea, quæ fidei sunt, in dubitationem, disceptationemve audeat revocare, librosque vetitos apud se tenere, vel legere non præsumat, alioquin pœnis à sacris canonibus impositis mulctabuntur.

*De Sacramentorum administratione.*

In Sacramentorum administratione omnino servari volumus ritum Sanctæ Romanæ Ecclesiæ; aliter facientibus penam suspensionis imponimus; Id etiam servari volumus in omnibus cæremoniis Ecclesiasticis, quas in nostra Cathedrali præcipuè fieri curabit Magister Cæremoniarum, cui omnes parebunt, nec non & in celebratione Divini Officij, cujus cura erit apud Cantores, quibus omnes obtemperare volumus.

Loca, & vasa, in quibus servantur aqua baptismalis, sacrataque olea pro Sanctissimis Sacramentis conficiendis, à Parochis teneantur munda, ac sub tutis clavibus conclusa.

Animaduerat quilibet Sacerdos, ne Sacramentum aliquod ministret in peccato mortali.

*De Sacramento Baptismi.*

Quilibet Parochus curam habens animarum per se, & non per alium, nisi legitime impeditus, suis Parochianis Sanctissimum Sacramentum Baptismi ministret.

Non permittatur prolongari infantibus Sanctissimum Baptismi Sacramentum ultra octo dies, eisque Parochi non permittant nomina barbara imponi.

Doceant Parochi obstetrices, quando, & quomodo debeant pueros in periculo vitæ positos baptizare, & dum pueros ad Baptismum deferunt,

runt, ab eis requiratur num eos baptizaverint ; quomodo, & quibus verbis.

Immediatè post collatum baptismum nomina baptizati, & patrinorum in libro describantur.

In Patrinos nullo modo assumantur, nec à Parochis admittantur excommunicati, facinorosi, publici concubinarij, usurarii, S. Romanæ Ecclesiæ inobedientes, & qui eo anno in Paschate confiteri, & Sacrum Eucharistiæ Sacramentum sumere neglexerunt, nec Confirmationis Sacramentum susceperunt, iuxta sancita ab Illustrissimo D. Visitatore.

Sit penès omnes Parochos curam animarum habentes liber, inscriptus Ordo baptizandi iussu Sanctæ Romanæ Ecclesiæ reformatus.

#### *De Sacramento Confirmationis.*

Deputata die pro Sacramento Confirmationis administrando Parochi populum monebunt de virtute, & ratione dicti Sacramenti, & quales esse debent Patrini assumendi, vt de Baptismo dictum est, & ad quid teneantur.

Nullus offeratur ad hujus Sacramenti receptionem ante septimum annum, nisi ex rationabili causa nobis notificanda.

Eodem die non permittatur, quod quis Patrinus possit tenere plures tribus.

Cum omnis utriusque sexus teneatur in Paschate Sanctissimum Eucharistiæ Sacramentum sumere in propria Parochia, caveant Parochi, ne eorum negligentia quis tam salubre Ecclesiæ præceptum omittat, & si quis propriæ salutis immemor repertus fuerit inobediens extitisse, die octava Paschatis nobis sub pœna suspensionis notificasse teneantur.

Omnes tam Sacerdotes, quàm Clerici cuiusunque dignitatis, gradus, & conditionis sint, in die Cœnæ Domini Sanctissimum Sacramentum Eucharistiæ à nobis, vel nobis absentibus à celebrante Missam recipiant; negligentes sine rationabili causa pœna suspensionis plectentur. Clerici semel in mense, & præcipuis solemnitatibus idem faciant quod Magister morum fieri curabit.

Omnino prohibemus, ut de cætero Sanctissimum Sacramentum Eucharistiæ Laicis non ministretur in Sacristijs, sed in Ecclesia juxta Sanctæ Romanæ Ecclesiæ ritum, tam in die Cœnæ Domini, quàm in alijs diebus, nullusque alibi, quàm in propria Parochiali sumat Ecclesia.

Curabunt Parochi, ut in communionibus generalibus viri à mulieribus fecernantur, disponendo viros ex una, & mulieres ex altera parte.

Moneant Parochi suos Parochianos, quod ad minus in Paschate, in Pentecoste, & Nativitate Domini confessione præmissa, sacro reficiantur Eucharistiæ Sacramento.

Cum Sacrum Eucharistiæ Sacramentum, ad infirmos

mos deferatur, deferatur etiam aqua benedicta ,  
& infirmus, ac domus ejus aspergatur .

*De Sacramento Pœnitentiæ.*

Nullus audeat Sacramentum Pœnitentiæ administrare , nisi à nobis, vel Vicario nostro fuerit approbatus sub excommunicationis pœna, & quilibet Parochus præcipuè tempore quadragesimali, nisi in propria Ecclesia Parochiali.

Fiant omnino in omnibus Ecclesijs Parochialibus confessionalia, & non alibi, quàm in confessionalibus audiantur confessiones.

Mandamus omnibus Parochis sub pœna suspensionis ipso facto incurrenda, vt quando fuerint vocati ad audiendas confessiones infirmorum in eorum parochijs degentium, non negligent audire omni alio negotio postposito . Id etiam mandamus Reverendo Archipresbytero sub eadem pœna respectu advenarum, cum ei ex officio id incumbit.

Nullibi casu necessitatis excepto à confessoribus audiantur confessiones, præterquam in Ecclesia superpelliceo indutis cum stola ab ortu usque ad occasum Solis, & sedendo.

Negligentes confiteri Paschatis tempore nobis deferantur.

Omnes Confessarii non alia utantur absolutionis forma, quàm communi, iuxta ritum Sanctæ Romanæ Ecclesiæ, quod præcipuè animadverrant Illyrici Sacerdotes, qui curabunt illam habere in earum lingua translatam infra terminum quindecim dierum.



Quilibet Parochus in sua Ecclesia, vel in domo teneat Sanctissimum infirmorum Oleum; Extremæque Vnctionis Sacramentum requisitus, suæ Parochiæ infirmis non negligat administrare, negligentes graviter punientur à nobis.

Sciant Parochi se teneri ad sæpe visitandos infirmos suæ Parochiæ, eosque consolari, & in extremis orationibus, monitionibus, & piis verbis, ut in fide persistant, eis adesse, & qui facere abnuerint, Deum ultorem habebunt, moneantque interdum infirmos, ut aliquem ex suis ad Episcopum mittant, ut ab eo benedictionem, antequam è vita recedant, accipiant.

*De Ordine.*

Nullus pro recipiendis Ordinibus se præsentet, nisi secum habuerit litteras testimoniales sui Parochi de natalibus, ætate, vita, & moribus, à Ludimagistro, tum Grammaticæ, tum etiam cantus de frequentatione scholæ, & sufficientia, & à Præposito Doctrinæ Christianæ de solitudine veniendi diebus festivis ad ipsam doctrinam respectivè recitandam, addiscendam, & docendam.

Examinatores promovendorum tam ad Ordines, quam ad beneficia jurabunt se fideliter omni postposito respectu officium suum executuros.

Cancellarius nomina, & cognomina omnium ordinatorum curabit in libro ad hoc particulariter de-

deputato registrari specificando ordines susceptos  
Anno, Mense, Die, & Loco.

*De Matrimonio.*

Matrimonij Sacramentum celebrabitur omnino in  
Ecclesia de mane post Missæ celebrationem.

Moneant Parochi sponsoſ, ut antequam contra-  
hant, præmiſſa confeſſione, Sacro Euchariſtiæ  
Sacramento reficiantur.

A proprijs Parochis tantum, & non ab alijs Ma-  
trimonia conficiantur ſine noſtra ſpeciali li-  
centia.

Sponſalibus contractis juxta Sacri Concilij Triden-  
tini Decreta Parochi curam adhibebunt, ne  
differatur Matrimonium; ſed ut omnes præci-  
dantur moræ, curabunt, ſi non voluerint,  
nos moneant.

Non fiant à Parochis denunciationes, niſi prius  
examinata utriuſque contrahentis voluntate ſub  
pœna ſuſpenſionis.

*De Sanctæ Miſſæ Sacrificio.*

Miſſam celebrante Episcopo nullus celebret, nec  
eodem die ad illud Altare, niſi petita licen-  
tia.

Curent Parochi, ac alij Sacerdotes, & Sacriſtæ;  
ut paramenta, calices, corporalia, purificatoria,  
ac alia quibus utuntur in celebratione Miſſarum,  
ſint munda & decentia; negligentes reperti pri-



vabuntur in illis Ecclesijs vbi inserviunt, facultate celebrandi, & vino vtantur albo.

Provideatur omnibus Ecclesijs ab ijs, quibus incumbit pro celebratione Missarum iuxta à nobis ordinata in visitatione alioquin interdicentur.

Ante quodlibet Altare ponatur Crux, & tabella secretarium, adsintque candelabra decentia duo, ad Altare maius sex.

Caveat quilibet Sacerdos, ne dum celebrat, biretum reponat super Altare.

Singulis hebdomadibus, cantetur semel Missa mortuorum pro benefactoribus, & die sequenti ad diem commemorationis omnium fidelium defunctorum, pro Summis Pontificibus, alia sequenti die pro Episcopis, alia sequenti pro omnibus Sacerdotibus defunctis huius Civitatis, quia eadem mensura, qua mensi fuerimus, remetietur & nobis.

Omnino prohibemus, quod nullus Sacerdos possit suscipere onus celebrandi plures Missas in die, & si quis susceperit, dimittat infra terminum octo dierum, alioquin acriter à nobis punietur, & facultate celebrandi privabitur.

Qui tenetur ad aliquod Altare celebrare, non celebret ad aliud.

Certis, & determinatis horis pulsentur Campanæ pro convocatione ad Divina Officia persolvenda, quod fieri curabit Vicarius cum Archidiacono, & duobus Canonicis: Sacristæ negligentes exequi solvant pro qualibet vices soldos decem.

Servetur omnino silentium in Choro, & Ecclesia; præcipuè dum Divina Officia celebrantur, alio-

quin pœna suspensionis plectentur inobedientes.

Dum divina celebrantur, nullus recedat à Choro sine licentia Præfecti Chori, Præfectum esse volumus absente Vicario nostro, qui maiorem obtinet locum.

Nullus Aduena admittatur ad celebrandum, nisi sui Ordinarij habeat licentiam in scriptis.

Punctatores coram nobis iurabunt se fideliter munus suum executuros.

Absentes à Choro ultra tres menses, etiam si sint in Civitate, punientur pœnis à S. Tridentina Synodo taxatis.

Ordinamus, & omnino servari volumus, quod quotidie post cōpletorium fiant particulares preces pro Sanctissimo Domino Nostro Papa, & Serenissimo Venetorum Principe, & Senatu, ac etiam pro tota hac Civitate, iuxta infra scriptam formam,

Recitabitur Psalmus Exaudiat te Dominus in die tribulationis, cum Kyrie, Pater noster, & Versiculis Salvos fac servos tuos, Deus meus, Mitte eis auxilium de sancto, & de Sion, cum Orationibus Deus qui facis mirabilia magna solus, & Oratione pro Serenissimo Principe Venetiarum.

Dum Divina persolventur Officia in Ecclesia, nullus Clericus cuiuscunque gradus, dignitatis, & conditionis sit, audeat in platea deambulare, cum hoc fieri nequeat sine magna piarum personarum admiratione, & hoc nobis certum est, sed quilibet omni respectu postposito consideret ( præcipue si beneficia Ecclesiastica possideat ) se teneri apud Deum nullam admittentem excusationem in die furoris sui ad Chori frequentationem

19

nem, quod si quis perficere minimè curabit, & Deum ultorem habebit, & nos debitis remedijs perficiendum curabimus iuxta Illustrissimi Visitationis Constitutionem.

Dignitates volumus teneri ad Chori frequentationem saltem diebus festivis, reliquos dies non excludendo, si de iure tenentur.

### *De Festivitatibus.*

Festivitates omnes ab Ecclesia sub præcepto observandæ institutæ ab omnibus servantur, negligentes pœna excommunicationis plectuntur.

In festo Nativitatis Domini cum duobus diebus sequentibus, Paschatis pariter cum duobus diebus sequentibus, & Pentecostes omnino prohibemus saltationes præcipuè apud Ecclesias sub pœna interdicti ingressus Ecclesiæ.

### *De Processionibus*

Cum ad Archidiaconum spectet processiones ordinare, ideo ut confusiones tollantur, munus suum exequitur.

A processionibus generalibus abesse non liceat cuiquam ex Clero sub pœna pro qualibet vice suspensionis per mensem.

Omnes ex Clero à vigesimo usque ad quinquagesimum annum sub eadem pœna teneantur in tribus diebus Rogationum associare totam processio-

sionem, reliqui verò vsque ad Ecclesiam Sancti Martini.

*De Sacris Imaginibus.*

Curent omnino Parochi præcipuè Villarum, ut omnes in sua domo habeant saltem Sacram Crucifixi, & Beatissimæ Virginis Imaginem.

Imagines in Ecclesijs vetustate consumptæ, vel deformes, vel in decentem formam reducantur, vel omnino amoveantur.

*De Dignitatibus.*

Dignitates suo fungantur officio, nec eis abesse contingat ab assistentia Episcopi Sacra peragente, vel ipso interveniente, ac etiam concionante, Zanfardamque deferant, alioquin punientur iuxta mandata aliàs à nobis facta.

*De Canonicis, & Mansionarijs.*

Canonici omnes, ac Mansionarii Zanfardam deferant saltem diebus festivis, iuxta mandatum à nobis factum, ne puniantur.

Non liceat cuiquam ex Cononicis, sive Mansionarijs, qui matutinalibus tenentur interesse Officiis habitare extra Civitatem, & qui modo habitant, infra terminum quindecim dierum, sub pœna privationis Canoniciatus, & Mansionariæ respe-

respectivè in Civitate sibi eligant habitationem  
saltem pro nocte.

Non liceat pariter sub pœna supradicta privationis,  
nec Canonicis nec Mansionarijs onus Cappella-  
niæ cuiuscumque habentis curam animarum ex-  
tra Civitatem habere.

Munus suum per se ipsos obeant Canonici, & Man-  
sionarij iusta, & legitima causa non impeding-  
te, alioquin in fructibus punientur.

De cetero ad Mansionariatum nullus admittatur,  
qui requisitus ob necessitatem, vt pro Parocho  
villis intersiat ad minus per biennium inservire  
renuerit, qui latinè examinatus non responderit,  
& qui Psalmos secundum omnes tonos intonare  
ignoraverit.

Cum iam à multis annis in hac nostra Cathedrali  
laudabilis consuetudo obtinuerit, vt omnes Di-  
gnitates, Canonicatus, & Mansionariatus Sacer-  
dotibus conferantur, id omnino servari volumus  
iuxta Sacri Concilij Tridentini Decreta. Decla-  
ramusque de consilio etiam Capituli nostri iuxta  
facultatem à dicto Sacro Tridentino Concilio cui-  
libet Canonicatui, & Mansionariatui, cum sic  
requirat Cathedralis nostræ servitium, connexum  
fore, & esse Sacerdotium.

#### *De Parochiis.*

Nullus Parochus possit abesse à sua Parochia sine  
licentia nostra ultra duos dies, nec extra Diece-  
sim recedere.

Parochi munus suum per se ipsos exequantur, nec  
aliis

alijs committant, causa necessitatis excepta.  
 Villarum Parochi, alijque Presbyteri ad Civitatem  
 venientes per eam non incedant sine bireto;  
 alioquin accessu ad Civitatem privabuntur.

### *De Clericis.*

Veste oblonga vsque ad talos omnes Clerici cuiuscunque dignitatis, & conditionis sint, non alterius, quam nigri coloris cum bireto in formam Crucis vtantur. nec liceat eis vti per Civitatem pileo, tempore pluviali excepto sub pena suspensionis.

Nullus superpelliceo indutus audeat extra Ecclesiam perambulare, & præcipue per plateam, nec aliquid emere, nec cum aliquo confabulari.

Legente Reverendo Theologo omnes convenient sub pena suspensionis per tres dies pro qualibet vice abfuerint.

Nullus recipiatur pro Clericatu, nisi prius fuerit coram nobis examinatus.

Sacris, ac Divinis Officijs interveniente Episcopo Clerici omnes interveniant, matutinisque saltem diebus festivis intersint: alioquin à Clericorum consortio eijcientur.

### *De Funeralibus.*

Dum cadavera ad Ecclesiam deferuntur, à mulieribus non associantur sub excommunicationis pena.

Can-



Candelæ non dentur cadavera ad Ecclesiam non associantibus, Theologo, & Clericorum Magistro exceptis sub pœna suspensionis dispensatoribus.

Dum funeralia perficiuntur in Ecclesia, nullus recedat.

*De Quæstionibus.*

Nullus audeat iuxta Sacrorum Canonum decreta quæsturare per Civitatem, sive Diœcesim proprijs locis, sine nostra speciali licentia sub pœna excommunicationis, nec ijs concedatur quæstuandi facultas, qui coram nobis rationes non erunt reddituri semel in anno.

Reverendissimus Dominus Episcopus dicta Decreta omnirò iudicio Sanctæ Romanæ Ecclesiæ summittit, facultatemque interpretandi, declarandi, minuendi, augendi, & in totum abolendi sibi reservat, prout urgens occasio postulaverit.

Lecta fuerunt per me Marcum Simeonich Curie Episcopalis Sebenici Cancellarium alta, & intelligibili voce coram antelato Reverendissimo Domino Episcopo, & præsentibus Canonicis, & alijs quamplurimis de Clero, nec non & multis laicis audientibus, & intelligentibus omnibus de Synodo supra nominatis nullo contradicente.

*Sequuntur Decreta prefati Illustrissimi, & Reverendissimi  
D. Episcopi lecta & Publicata in Synodo Diacesana,  
die 9. Junij 1604.*

*D E C R E T U M P R I M U M.*

**C**onfessarij penitentibus pro penitentia quamcumque pecuniæ, vel alterius rei summam imponentes, sive pro Missis celebrandis, vel eleemosynis faciendis ipsi nullo pacto dictam pecuniæ summam accipiant, nec à penitentibus quoquomodo pro confessione aliquid petant, quod si secus fecerint, suspensionem ipso facto ab administratione Sacramenti confessionis incurrant, procurentque omnes sub eadem suspensionis pœna, vt infra terminum duorum mensium penès se habeant copias Bullæ Cœnæ Domini, ac casuum à nobis reservatorum.

Confessores etiam Regulares, qui à nobis, vel Vicario nostro sine prævio examine ad audiendas confessiones admissi fuerunt, suspensos esse decernimus, donec per examen fuerint approbati.

*Decretum II.*

**Q**uia maximum dedecus est Sacerdotem saltem diebus festivis sacrum non facere, ideo omnibus Sacerdotibus nobis subiectis in meritum Sanctæ obedientiæ mandamus, vt dictis diebus festivis missam celebrent, iuxta Sac. Conc. Trid. dispositionem. sess. 23. cap. 14.

*De-*



*Decretum III.*

Cum ex indifferenti facultate, quæ unicuique datur, concionandi sæpe multa sequantur incommoda, eo quod vel inadvertenter, vel per favores quandoque ad concionandum incogniti, profugi, scandalosi, apostata, & excommunicati in maximum tum fidei, tum pietatis Christianæ, & Sacrorum Canonum detrimentum admittantur: caveantque omnino Vicarij, & substituti nostri, qui pro tempore erunt in Civitate ac Parochi in Villis nostræ Diœcesis, ut nemi, nem sive Clericum secularem, vel regularem ad dictum concionandi munus admittat, nisi testimoniales sui Superioris de vita, moribus doctrina, & concionandi facultate penes se habuerit, præsentatusque fuerit à Superioribus sui ordinis (si fuerit Regularis) in Civitate, ac Diœcesi existentibus, qui fidem faciant de veritate testimonialium supradictarum, quæ diligenter etiam erunt examinandæ, an veræ, vel fictæ, an recentes, vel veteres sint & si intra claustra actualiter degat juxta Sacrorum Canonum Decreta.

*Decretum IIII.*

Imagines argentæ, vel ceræ, ac cujuscunque generis res voti causa Ecclesijs, piisque locis nobis subjectis oblatæ venditari, nec in aliquem usum assumi ullo modo possint, nec etiam contractæ nisi de licentia nostra.

D

De.

*Decretum V.*

Nullus Sacerdos onus Capellanix assumat in quacunque Ecclesia, nisi prius fuerit nobis presentatus, & approbatus, & qui presentatus, & approbatus fuerit à nobis semel, ab aliquo inferiori nostro amoveri non possit, nec ipse sine nostra speciali licentia dicto oneri renunciare valeat.

*Decretum VI.*

Deambulationes, conclamationes, ac confabulationes in Ecclesijs omnino prohibemus, ac in meritum Sanctæ obedientix omnibus, & singulis nobis quomodolibet subjectis, ut ab eis abstineant, mandamus.

*Decretum VII.*

Dignitates, Canonici, Mansionarii, Parochi, & Cappellani non per substitutos, sed per se ipsos fungantur suis officijs, si quis tamen ob impotentiam non valuerit, comprobata coram nobis impotentia dispensabitur.

*Decretum VIII.*

Nullæ fiant locationes bonorum Ecclesiasticorum sine consilio, & assensu RR. DD. Judicum deputatorum.

*Decretum IX.*

Nullus ad Monasterium Monialium accedat collo-  
 cutionis causa sine nostra licentia in scriptis ob-  
 tinenda, ijs exceptis, qui Monialibus in primo  
 consanguinitatis gradu conjuncti sunt sub ex-  
 communicationis pœna.

*Die dicta 9. Iunii 1604.*

Lecta fuerunt per me Marcum Simeonich Curia  
 Episcopalis Sibenici Cancellarium alta, & intel-  
 ligibili voce coram antelato Reverendissimo D.  
 Episcopo, & præsentibus, & alijs quamplurimis  
 de Clero, nec non multis laicis audientibus, &  
 intelligentibus, omnibus de Synodo supranomina-  
 tis nullo contradicente.

*Sequuntur Constitutiones, & Decreta in Synodo Diocesana  
 Sibenici facta à Reverendissimo D. Episcopo  
 de Anno 1611.*

**P**RÆfectis Doctrinæ Christianæ pro ipsa piè  
 exercenda juxta Sacri Concilij Tridentini  
 decreta omnem auctoritatem nostram tribui-  
 mus, mandantes omnibus, & singulis de nostro  
 Clero, quatenus eis obedientiam circa dictum  
 exercitium præstare debeant & si quis ausus fue-  
 rit eorum mandatis contravenire, à dictis Præ-  
 fectis puniantur usque ad pœnam suspensionis  
 inclusive, ac etiam sequestrationis in proprias  
 domos, sive in Sacristia superiori, & si quis per-  
 tinaciter eis resisterit, nobis notificetur, vt debi-  
 tis pœnis plectatur.

D 2

Roga.

Rogamusque dictos Præfectos quatenus omni alio negotio postposito singuli singulis mensibus attendere ad dictum officium non desistant, quod quidem exercitium erit peragendum singulis diebus festivis à Sancta Ecclesia præceptis.

Monemus pariter omnes alios de Clero nostro; quatenus ad dictum sanctum exercitium intervenire velint, tam pro educandis pueris in Doctrina Christiana, quam etiam pro edificando populo, & si segnes circa hoc comperti fuerint etiam pœnis à medio tollendam curabimus.

Parochi Villarum, & qui omni cura, & diligentia dictis diebus festivis post Vesperas convocabunt pueros Villarum, ac eis dictum exercitium inculcare curabunt, & si negligentes in hoc reperti fuerint etiam suis Parochijs privabuntur.

2 Parochi, nec alij Confessarij sub quovis prætextu pro audiendis confessionibus aliquid petant à pœnitentibus, minùsve prætereendere possint, si quid verò sponte à pijs hominibus oblatum fuerit, accipere possint.

3 Et si pœnitentias pecuniarias pro celebratione missarum imponant, ne sibi ipsis illas applicare possint sub pœna suspensionis ipso facto incurrenda mandamus.

4 Clerici ad servitium Ecclesiæ nostræ adscripti Divina non frequentantes Officia tam de die, quàm de nocte privati sint emolumentis, & obventionibus sibi debitis, & aliis applicentur, & notabiliter delinquentes aliis etiam pœnis mulctabuntur pro qualitate negligentiae.

5 Silentium in Ecclesia, & Sacristia, & præcipuè dum Divina celebrantur officia, omnino servari

man-

- mandamus aggravantes in hoc Præfetti Chori conscientiam, si illud observari non curaverit, & transgressores pœnis multabuntur.
- 6 Nullus superpelliceo indutus extra Ecclesiam solus incedat, nec per plateâ deambulet, sed in processionibus, & funeralibus bini, & bini, ita ut minores majores antecedentes extra Ecclesiâ ordinatè exeant.
- 7 Nulli Sacerdoti, Clericove anulum, nisi ea dignitate prædito, in qua conferenda sibi traditur gestare liceat, eumque unum solum, & digito dexteræ manus quarto, eum verò dum Missæ Sacrificium facit, vel Episcopo in Sacris ministrat, deponat.
- 8 Clericus, qui amictu clericali indutus incedit, ne in propinquorum, ne parentum quidem obitu vestes lugubres more laicorum induat, gestetque, neque verò vestis formam, aut genus, quo clerum universum uti mos est, commutet, sed pium erga propinquos mortuos charitatis officium præferat omnia latione, quæ cum clericali ordinis decore, dignitateque omnino conveniat.
- 9 Clericis pileos forma oblonga omnino prohibemus, nec ad nos aliter accedere audeant, quàm cum bireto clericali, nec quoquo modo incedere sive intra, sive extra Civitatem sine habitu, quo clerici cognoscantur, sub pœnis arbitrio nostro infligendis.
- 10 Prima noctis hora transacta nullus Clericus per Civitatem deambulare, sive vagari audeat sub pœna carceris per mensem, si legitimè huius ordinis transgressor extiterit, & ducatorum quinque captoribus soluendorum.
- 11 Ad publicas processiones omnes tam Clerici Regulares, quam Sæculares, ac confraternitates venire teneantur, & quotiescunque devota imago

Beatæ

Beatæ Virginis Castri Superioris intra Civitatem deferri contigerit pro quacumque occasione, omnes pariter una nobiscum teneantur ipsam devotè processionaliter associare, prout in aliis processionibus fit, & si quis obedire neglexerit, arbitrio nostro mulctabitur.

12. Procuratores quomodolibet instituti bonorum Ecclesiasticorum, per biennium tantum durare volumus, quo completo teneantur reddere rationes suæ administrationis coram nobis, & aliis quibus de jure competit.

13. Nullus Parochus, nec etiam Clericus cujuscunque gradus, & dignitatis sit audeat ullo modo in Ecclesiis publicis tam in Missis, quàm in aliis occasionibus legere, vel decantare Epistolas, vel Evangelia in lingua Illyrica, nisi in Missalibus in dicta lingua Illyrica inscriptis, vel impressis sub pœna suspensionis à Divinis, ipso facto incurrenda pro prima vice, pro secunda verò sub pœna privationis beneficiorum in habentibus beneficia, in reliquis verò sub pœna inhabilitationis ad ipsa beneficia habenda, ac etiam inhabilitationis ad ascendendum ad majores ordines.

14. Cum his postremis diebus ad manus nostras constitutiones pro Monialibus à q bo: mem. Reverendissimo D. Hieronymo Savorgnano prædecessore nostro editæ pervenerint, & cum illas diligenter inspexerimus, ac maxima pietate, & religione editas fuisse invenerimus, necessariasque pro regulari observantia illas cognoscamus, mandamus tam Abbatissis, quàm Monialibus Monasteriorum Sancti Salvatoris, & Catherinæ in meritum sanctæ obedientiæ, ac sub pœnis in dictis constitutionibus contentis



tentis, ac aliis in pertinaciter illas observare renitentibus arbitrio nostro infligendis quatenus irrefragabiliter illas observare debeant, easdem auctoritate nostra ordinaria quatenus opus esset innovantes, ac confirmantes, mandantesque Abbatissis quatenus dictas constitutiones saltem quater in anno legere faciant omnibus Monialibus, ne ignorantiam prætereundere possint, & valeant sub pœna Abbatissis suspensionis ab earum Officiis.

Mandamus RR. DD. Ioanni Zoriceo, & Simeoni Pordenono, quatenus accedere debeant una cum Cancellario nostro, ac duobus testibus assumptis ad dicta Monasteria, ac Abbatissis cum omnibus Monialibus intimare superiorem constitutionem nostram, & cum dictatione perlegere ad crates, ac eisdem copias relinquere, & de intimatione, ac perfectione publicum fieri Instrumentum per dictum Cancellarium.

Acta fuerunt per me Marcum Simeonich Curia Episcopalis Sibenici Cancellarium alta, & intelligibili voce coram antelato Reverendissimo D. Episcopo in Ecclesia Cathedrali Sibenici præsentibus quamplurimis de Clero, necnon, & multis laicis audientibus, & intelligentibus omnibus de Synodo supranominatis nullo contradicente.

*Sequuntur Constitutiones, & Decreta in Synodo Diocesana  
Sibenici facta à Reverendissimo D. Episcopo  
de Anno 1614.*

1. **S**acra Tridentina Synodus Ecclesiam Dei verè Orationis domum agnoscens scilicet. 22. ne impurum quid, vel indecens agatur inter alia locorum Ordinariis, ut seculares omnes actiones vana, atque prophana colloquia, deambulationes, strepitus, & clamores arcere studeant, præcipit. Quare tam à Prædecessoribus nostris, quam etiam à nobis per publica edicta, monitiones paternas, ac Constitutiones Synodales, ne prædicta in templo Dei peragerentur, prohibitum fuit, sed quia prædicta edicta, monitiones, ac constitutiones sine pœna non valuerunt inducere Christi fideles, ut à prædictis indecentiis se abstinere; Ideo volentes omnino pro munere nobis injuncto providere, ne de cætero domus Dei prædictis contaminetur, præcipimus omnibus, & singulis Christifidelibus in meritum sanctæ obedientiæ, ac sub pœna Divinæ ultionis, & Ecclesiasticæ etiam sub aliis pœnis arbitrio nostro infligendis, ne audeant in Ecclesiis, & præcipuè in nostra Cathedrali seculares actiones facere, vana, atque profana colloquia habere, deambulationes, strepitus, ac clamores exercere, animadvertentes omnes, & singulos tam sæculares, quam etiam Ecclesiasticos, quòd contra inobedientes huic constitutioni etiam brachium sæculare invocabimus.
2. Omnino prohibemus, ne de cætero in Ecclesiis à quocunque Judice audiantur, aut terminentur causæ nec civiles, nec criminales juxta Decretum Sacræ Congregationis Illustrissimorum DD. Cardinalium



nalium negotijs Episcoporum deputatorum, sed locus audientix de cetero erit Sala Episcopalis Palatii; Declarantes omnia acta circa prædictas causas in Ecclesiis irrita, ac nullius valoris, ac si facta nõ esset.

- 3 Vt divinus cultus in dies augeatur, mandamus omnibus, & singulis de Clero nostro sub pœnis arbitrio nostro infligendis, ut omnino cærimonias, ac omnia contenta in cærimoniali Episcoporum Romæ edito, ac Venetis impresso observent; magistrisque cærimoniarum RR. D. Ioanni Mazzarich, & D. Iacobo de Lucianis Canonicis, quæ in dicto cærimoniali, sive in aliis libris Ecclesiasticis cærimoniarum præcipientibus omnino pareant, prout & nos in observandis cærimoniis libenter eis obtemperare curabimus, eisque facultatem omnem circa prædicta exequenda tribuentes nobis tamen reservantes facultatem disponendi, vel declarandi super dubiis, vel difficultatibus, quæ super observatione dicti cærimonialis oriri possent, quod si à nobis exequi non poterit, recursum habebimus ad Illustrissimos, & Reverendissimos Dominos Superiores.

- 4 Admonet Sacrosancta Tridentina Synodus, sess. 23. at in Domino hortatur Episcopos, quod præcipue apud Ecclesiam suam reperiri debeant tempore Dominici Adventus, Quadragesimæ, Nativitatis, Resurrectionis, Pentecostes, & Sanctissimi Corporis Christi, quare etiam decet, ut Dignitates, Canonici, Mansionarii, ac etiam alii ad servitium Ecclesiarum adscripti pariter dictis temporibus ad eorum residentiam reperiantur, & vnâ cum proprio Pastore ut oves sibi credite maxime dictis temporibus spiritualiter refici possint, ac in Domino gaudere sui Pastoris, & Cleri præsentia. Idem prædictis om-

E nibus,

nibus, & singulis de Clero nostro mandamus in meritum Sanctæ obedientiæ, ac sub pœnis arbitrariis, ut dictis temporibus ad suam residentiā nobiscum, & ad divinorum frequentiam curent interesse.

5 Licet Sacra Trident. Synodus facultatem tribuat iis, qui ad residentiā tenentur, posse per tres menses à sua residentiā abesse, ubi adest consuetudo, ne omnes, vel major pars eodem tempore abesse contingat in detrimentum Divini cultus, præcipimus omnibus, & singulis, qui ad residentiā prædictam, & servitium Ecclesiarum tenentur, ne à Civitate, vel proprijs Ecclesijs sine nostralicensia recedere audeant, ne puniantur.

6 Quia absque scitu Sanctæ Sedis Apostolicæ, & nostro à paucis hinc annis nonnullorum Sanctorum Officia celebrari in nostra Ecclesia incepta fuerunt sub festo duplici, ideò inhibemus, ne de cætero dicta Officia celebrentur, donec à Sanctissimo Domino Nostro Papa fuerit permissum, ubi ejus auctoritate opus fuerit, ac sine nostra licentia, vel scitu, si dicta auctoritate opus non fuerit, quia quando permittitur à Sanctissimo D. N. Papa celebrari Officium alicujus Beati in una Ecclesia, minimè celebrandum est in alijs, nisi specialiter concedatur.

7 Concurrentibus quodocunque festis devotionis cum festis in Breviario notatis, festo devotionis anteponi solent festis Breviarij; Ideo de cætero mandamus, quòd festa Breviarij suis diebus proprijs celebrentur, devotionis verò ad alium diem transferantur.

8 Sacra Tridentina Synodus, sess. 24. præcipit, ut  
om-

- omnes Divina per se, & non per substitutos compellantur obire Officia, & Episcopo celebranti, aut alia Pontificalia exercenti adistere, & inservire, sed quia prædicta quandoque non observantur, scandala eveniunt, & nonnulli in principalioribus solemnitatibus abesse soleat, nec sua officia exercere curant; Ideo de cætero mandamus, ut nullus possit sibi substituere substitutum, nec minus nullus possit accipere substitutionem sine nostra licentia, quæ non nisi ex urgente causa concedetur sub pœnistransgressoribus arbitrio nostro infligendis.
- 9 Errantes in lectura Evangeliorum, Epistolarum, ac aliarum lectionum in Choro, ac etiam in Missis corrigantur à Præfecto Chori, ac etiam per ipsum usque ad pœnam vel pecuniariam, vel suspensionis puniantur, cui quo ad hoc omnem nostram auctoritatem tribuimus.
- 10 Camisias circa collum, vel manus elaboratas nullus Clericus audeat deferre, sed simplices cum suis collariis absque fuce honestis; Idem dicimus de collariis aliorum vestimentorum: inobedientes acriter punientur.
- 11 Omnes Ecclesiastici nobis subiecti, beneficia simplicia, domos, turres, fructus, livella, vel quæcunque alia bona stabilia temporanea, vel perpetua ratione unionis legati pij, siue cuiusque concessionis Ecclesiasticæ possidentes, quæ quoquo modo ad iurisdictionem Ecclesiasticam spectare videntur, teneantur infra terminum dierum octo nobis præsentare circa prædicta suas institutiones, concessiones, ac iura, ad hoc, ut in forma publica authentica redigi possint, ne earum memoria pereat sub pœna privationis omnium prædictorum beneficiorum, terrarum,

rarum, ac quorumcumque aliorum bonorum.

- 12 Volentes omnino, ut novum cataſticum authenticum bonorum Eccleſiaſticorum conficiatur, ne dicta bona vel dilapidentur, vel per oblivionem deperdantur, mandamus omnibus, & ſingulis quomodolibet in hac Civitate, & Dioceſi noſtra quæcumq; beneficia, vel bona Eccleſiaſtica poſſidenti-  
bus quatenus per totum menſem Novembris proxime venturi teneatur quilibet in forma authentica redigere omnia bona ſui beneficii, vel legati Eccleſiaſtici cum ſuis confiniis, ac aliis requiſitis in cataſtico reponendis, quod ſi quis circa hoc negligens extiterit pro qualitate negligentiae contra ipſum ſeverè procedemus ad condignas penas.

- 13 Quia quamplurimæ ſcripturæ originales nempe proceſſus tam criminales, quàm civiles, Inſtrumenta, teſtamenta, edicta, conſtitutiones, & alia huiusmodi ad formam Eccleſiaſticam ſpectantia apud privatas perſonas reperiuntur in maximum præiudicium iuriſdictionis Eccleſiaſticae; Ideò omnibus, & ſingulis tam Eccleſiaſticis, quàm ſæcularibus, apud quos prædictæ ſcripturæ reperiuntur, in meritum ſanctæ obedientiae, ac ſub excommunicationis latae ſententiae pena mandamus, vt in termino dierum octo ſupradictas ſcripturas, proceſſus nobis præſentare teneantur, ad hoc ut in Cancellaria noſtra poſſint reponi ad publicum commodum tam Eccleſiaſticorum, quam etiam ſæcularium.

- 14 Examinatores qui pro tempore erunt ad ordines beneficia, vel conſeſſiones audiendas examinandos non aliter, quàm latino ſermone examinent, nec examinataliter, quàm latino ſermone respondeant,

deant, quod si nequiuerint respondere, omnino repellantur

15 Cum non sine maximo, ac publico scandalo, pro-  
ut aliàs & de recenti pluries plures personæ graves,  
ac fide dignæ apud nos conquestæ sint, quod non-  
nulli ex nostro Clero, ac si meri laici mercatores es-  
sent à multis annis continuum commercium cum  
Turcis, aut Murlachis tenent mercaturam cum eis  
exercendo; res si vera est, viro Ecclesiastico nimis  
indigna à Sacris Canonibus, constitutionibus Ec-  
clesiasticis, & Sanctis Patribus prohibita, & acriter  
detestata, ideo dicto scandalo debitis remediis oc-  
currere volentes, salutiq; animarum eorum, qui  
taliam committunt, providere: inhibemus omnibus,  
& singulis de nostro Clero sub pœnis à Sacris Cano-  
nibus, & constitutionibus Ecclesiasticis, etiam us-  
que ad priuationem quorumcumque beneficio-  
rum Ecclesiasticorum, ne de cætero talem negotia-  
tionem, nec quamcumq; aliam, nec etiam cum alijs  
personis exercere audeant. Declarantes tamen,  
quod omnes Ecclesiastici à prædictis Murlachis, vel  
aliis omnia, quæ ad usum propriæ domus erunt ne-  
cessaria emere possint, & quod etiam pro dicto usu  
propriis redditus etiam eis vendere.

16 Ad Monasteria Monialium sub quo vis prætextu  
nullus accedere audeat sine nostra licentia, nec  
cum Monialibus colloquia habere, litteras, mu-  
nuscula, vel ambasciatis eis mittere, vel ab eis  
recipere sub excommunicationis pœna, ac alijs  
arbitrio nostro infligendis etiam usque ad invo-  
cationem brachij secularis, consanguineis usque  
ad secundum gradum exceptis.

17 Moniales omnino abstineant ab elaboratione  
col-

collarium virorum, siue aliarum rerum vanitatem concernentium] sub pœna privationis veli.

- 18 Monialibus prohibemus sub pœna privationis veli, vocis activæ, & passivæ, ne sub quovis prætextu deferant instrumenta argentea ad ornamentum spectantia, nec vestes sericas, nec etiam ex serico quoquomodo ornatas, sed eorum ornatus sit modestus, iuxta earum constitutiones; præcipimusque Abbatissis in meritum sanctæ obedientiæ, ut super hoc diligenter invigilent, ac nobis notitiam dent de transgressione præsentis constitutionis aliter contra ipsas procedemus.

- 19 Ne ullus ignorantiam harum Constitutionum, ac aliarum in præcedentibus Synodis editarum prætereundum possit, mandamus Cancellario nostro, quatenus in termino unius mensis dictas omnes Constitutiones redigere debeat in unum volumen Sacristis consignandum, ad hoc, ut quilibet pro suo libito illas videre possit, qui Sacristæ completo termino sui officij teneantur suis successoribus sub pœna suspensionis, ac alijs arbitrio nostro infligendis illud consignare.

Prædictas omnes constitutiones submittimus correctioni Sanctæ Romanæ Ecclesiæ.

Cum alias à nobis statutum fuerit, ut omnes de Clero nostro deferre deberent biretum in formam Crucis, quod est verè clericale insigne, & nonnulli sub infirmitatis prætextu illum deferre effugiant, cum tamen nos prædictos renuentes, publicè pileum in manibus tenendo viderimus deambulare, quod excusationem infirmitatis excludit; Ideo volentes, ut omnes de nostro Clero quacunque excusatione præclusa tam nobile, &

de.



decorum insigne deferant exemplo nostri, qui licet indispositionibus subiecti tam in domo, quam extra illud prædictis indispositionibus non obstantibus deferimus, omnes, & quascunque facultates hactenus concessas illud non de ferendi revocamus, & ut ab omnibus deferatur, sub pœnis arbitrio nostro infligendis, & iam usque ad invocationem brachij sęcularis mandamus, nec ullus de cætero coram nobis aliter comparere, quàm cum dicto bireto audeat exemplo nostri, qui non aliter comparere audemus coram Archiepiscopis, Episcopis, alijsque Prælatiis, ac etiam publicis Repræsentantibus, quàm cum dicto bireto.

*Die dicta 24 Maij 1614.*

Lecta fuerunt per me Marcum Simeonich Curia Episcopalis Sibenici Cancellarium alta, & intelligibili voce coram antelato Reverendissimo D. Episcopo, & præsentibus alijs quamplurimis de Clero, nec non multis laicis audientibus, & intelligentibus omnibus de Synodo supranominatis nullos contradicente.

*Marcus Simeonich Curia Episcopalis Sibenici Cancellarius  
ex actis eiusdem Curia exemplavit & subscripsit.*



**Q**Voniam contingit ut Seniores ex DD. Canonicis plerumque morbis, alijsque senectutis incommodis detenti munia sua in Cathedrali obire non possint, ita ut vix aliquando reliqui juniores in majoribus solemnitatibus satisfacere queant Ecclesiasticis cæremonijs ob exiguum eorum numerum: Quare ne Ecclesia debitis fraudetur Divini cultus servitijs decernimus & statuimus, ne de cætero sub quovis colore, vel prætextu Canonatus cum aliqua dignitate conjungi possit, & ab uno possideri una ex tribus dignitatibus, & Canonatus simul, quinimo omnes, & quoscumque ex Clero nostro ad ejusmodi beneficia simul obtinenda, atque possidenda inhabilitamus.

Omnibus Clericis Diœc. nostræ accessum ad tabernas, publicasque commensationes, & computationes in tabernis, vel trivijs sub pœna excommunicationis ipso facto incurrenda interdiciamus, & prohibemus.

Sacerdos Mîssam pro devotione propria, vel aliena eleemosyna, tam in nostra Cathedrali, quàm in qualibet alia nostræ Diœc. Ecclesia celebrans aliud in illa, vel in illis celebrare obligatum nullatenus excusare præsumat sub pœna suspensionis à divinis ab utroque ipso facto incurrenda, cujus absolutio nobis tantummodo reservatur.

In diebus anniversarijs mortuorum, in quibus cantatur Mîssa Decimarum nullo modo Mîssam eo die in Ecclesia obligatam, vel aliam pro eleemosyna

syna privatorum dicendam, sed peculiarem non obligatam, sed eleemosyna speciali Anniversar ij illius diei inventam percantare faciant pro illo, vel illis defunctis, quorum dies anniversaria agitur.

Eleemosynæ anniversariorum fidelium defunctorum non tribuantur nisi actualiter celebranti, & singula eleemosyna pro singula Missa non obstante quacumque consuetudine in favorem cujuslibet hactenus malè servata.

Constitutionem à nobis cum assensu, & voto Ven. Capituli nostri sub die 20. Martij 1617. latam super Parochis de cætero non admittendis in ijs Villis, in quibus domicilium firmum habent. Item de Clericis Illyricæ linguæ, qui Stagolitæ nuncupantur ad ordines majores non promovendis, nisi per triennium in hac nostra Vrbe, vel alia studiis, & bonis moribus operam laudabilem navaverint, navatæque operæ testimoniales idoneas litteras ab eo Magistro, apud quem profecerint, exhibuerint, innovamus, & Synodali auctoritate roboramus.

Parochi, alique Sacerdotes nullo modo intersint commensationibus fieri solitis in domibus fratularum, nisi quando universa fratula congregatur sub pœna suspensionis ipso facto incurrenda.

Nullus ex Clero nostro sub quovis colore, sive prætextu audeat in publicis, vel in privatis locis, & tam in domibus propriis, quam alienis cum sæcularibus ad talos, vel tesseras, sive cartas ludere, nec etiam absque sæcularibus inter ipsos Clericos lucri causa sub pœna excommunicationis ipso facto incurrenda, aliisque pœnis arbitrio nostro.

Nullus itidem cujuscumque gradus, vel conditionis existat audeat alium in Ecclesiis, vel Sacristiis

conuitii injuriosis, ne verbis afficere sub pœna suspensionis ipso facto incurrenda, cujus absolutionem nobis tantummodo reservamus.

**Omnibus** in Sacris existentibus piscationis exercitium lucri causa, & cum sæcularium societate sub eadem pœna suspensionis interdicimus.

**Cum** contra præscriptum Missalis Romani quidam ex Clero nostro audeant diebus festis ex præcepto anniversarias Missas pro mortuis, item alias votivas celebrare; Ideo omnibus talem abusum prohibemus sub eadem suspensionis pœna.

**In** Sacrificio Altaris non adhibeantur minores candelæ valoris duorum solidorum. Sanctissimum Sacramentum Viatici ex nulla Ecclesia Parochiali deferatur ad infirmos, nisi ex Cathedrali, exceptis temporibus brumalibus, vel notabili tempestatum injuria affectis.

**In** omnibus Ecclesiis Parochialibus, aliisq; Cappellis diebus Dominicis à Sacerdote intelligibili voce coram populo dicatur Illyrico sermone Oratio Dominica, salutatio Angelica, Symbolum Apostolorum, Decalogus, & confessio generalis juxta formulam in nostra Cathedrali usitatam.

**Primæ** Missæ in Cathedrali nostra quantum maximè fieri poterit ad evitanda multa scandala ad Altare majus secundum antiquam laudabilem consuetudinem celebrentur.

**Celebrantibus** nobis solemniter digniores Domini Canonici; Canonicis, præsentibus nobis, celebrantibus, vel Magistratu Urbis præsentem, digniores Mansionarij secundum antiquam consuetudinem assistant.

**Sabbato** Sancto non audiantur confessiones, nisi eorum,

rum, qui intra Quadragesimæ tempus peccata sua confessi sint.

Domus Cleri nostri Meretricibus, aliisq; scandalosis personis non locentur.

Confratres Fratalearum in processionibus tunicas induant : alioquin interfesse iis non intelligantur, atque pœnam in matricula sua non intereissentibus inflictam incurrisse intelligantur.

Cum antiquissimæ constitutiones super funeralibus olim statutz nimis perversæ videantur: idcirco anno superiori dedimus curam revisendi illas DD. Archidiacono, Primicerio, Simeoni Pordenich, & Joanni Timeo Canonicis, nec non illas, & alias recentioribus temporibus editas componendi, conciliandiq; itaut cultus Divini augmentum, & communis utilitas privatorum æqui possit subsistere, quamobrem cum eorum diligentia opus hoc adeo pium, & necessarium sit ad debitum finem perductum, ipsarum modificationem, & compositionem hoc Synodali nostro robore ratificatam, & approbatam perpetuo observandam proponimus.

Ordinationes quoque super Monasteriis Monialium in postrema nostra visitatione editas inferius digerendas sub pœnis in eis contentis observari mandamus.

Edictum quoque nostrum sub die 21. Maij, anni 1617. super ludis, comessationibus, pompis, personis, seu mascaris, aliisq; excessibus inibi specificatis innovantes sub pœnis in eo contentis synodali robore innovamus.

Festivitates Sanctorum denvucientur tam à Parochis, quàm à Capellanis per nostram Dioecesim



existentibus iuxta formulam affigendam in Sacristia nostra, ita ut populus possit agnoscere, quæ festivitates sint observandæ de præcepto Ecclesiæ, quæ verò de consuetudine approbata Civitatis, & demum quæ privata devotione recolendæ.

Tàm Canonici, quàm Mansionarii, aliique inferiores Presbyteri, & Clerici secundum dispositionem in Sacristia descriptam locum suum in Choro teneant ea silentij modestia, quam Divini cultus gravitas requirit sub pœna suspensionis, ac alij arbitrio, &c.

Nullus præter Parochos sine expressa nostra licentia examinet Sponsalia concludentes.

Item nullus in baptizatorum libro, neque in eo, in quo tàm contracta Matrimonia, quàm matrimoniorum denunciationes describuntur, illa notet, sive describat, nisi qui actualiter baptizaverit, administraverit matrimonij Sacramentum, vel sponsalia contrahentes examinaverit.

Omnes absentes à Synodo sine nostra licentiâ declarantur incurrere pœnam suspensionis à Divinis, à qua non absolvantur, nisi à nobis, & solutis prius libris triginta parvorum.

Processionem initio nostri Episcopatus institutam singulis feriis sextis Sac. Quadragesimæ continuari præcipimus, non solum in hac Cathedrali, sed etiam in aliis omnibus Parochialibus Ecclesiis Dioec. nostræ à Parochis, & Capellanis earundem Parochialium Ecclesiarum.

Omnes locationes hactenus factæ absque scitu, & assensu DD. Iudicum deputatorum sint, & intelligantur irritæ.

**C**ongregato Capitulo Reverendissimorum Canonicoꝝ Sibenici ad sonum majoris Campanæ ut moris est in anticameram Episcopalis Palatii Sibenici coram antelato Reverendiss. D. Episcopo, in quo interfuerunt infra scripti M.R.D. Joannes Baptista Diphinicus Archidiaconus, R. D. Thomas Surrichievich Archipresbyter, Reu. D. Joannes Toriceus Primicerius, R. D. Joannes Craglich, R. D. Joannes Tomeo, R. D. Balthasar Smoglianeus, & R. D. Matthæus Dorosevich omnes Canonici totum, & integrum Capitulum representantes ob reliquorum Canonicoꝝ absentiam & valetudinem, atque ibidem latæ fuerunt per supradictum R. D. Joannem Tomeum Canonici prædictæ Constitutionis, & ab omnibus prædictis commendatæ.

*Die 26. dicti Mensis Maij.*

**L**ectæ, & publicatæ fuerunt supradictæ Constitutiones per me Marcum Simeonich Curia Episcopalis Sibenici Cancellarium alta, & intelligibili voce coram antelato Reverendissimo D. Episcopo in Ecclesia Cathedrali Sibenici præsentibus omnibus de Synodo, & præcipuè RR. DD. Canonicis supra nominatis.



*Constitutiones, siue Decreta per Illustrissimum, ac Reverendissimum D. Episcopum Sibenicensem, edita in Synodo Diac. sub die 28. presentis Mensis Aprilis celebrata, ac coram omnibus ad dictum Synod. pertinentib. publicata de anno 1623.*

**C**ONSTITUTIONES Synodales, ac Decreta à nobis in precedentibus Synodis 1602. 1604. 1611. 1614. 1618. promulgata, quatenus opus esset, confirmamus, sub pœnisque in eis contentis observari mandamus.

Cum plurimi abusus in detrimentum Divini cultus in nostra Cathedrali irreperint circa personarum Ecclesiasticarum ingressum Chori pro Divinis persolvendis stationem, & egressum in decentem formam reducere volentes infra scripta omnia omnino observari mandamus, quæ in omnibus Ecclesiis benè regulatis observantur ex Synodo prima Provinciali S. Caroli Borromæi, olim Archiepiscopi Mediolanensis excerpta.

Primò, quando in Ecclesiam ad Divina Officia diurna, vel nocturna conveniendum erit, id campanæ sono significetur ea interposita mora, qua omnes faciliè possint convenire.

Secundo signo audito, qui dignitates in Ecclesia etiam si præfecti sint, personatusque, aut Canonicatus habent, cæterique omnes, qui interesse debent, præparent se ad Divinas laudes, & maturè ad Ecclesiam progrediantur.

Ingressi Ecclesiam, factisque ad Sacrosanctam Eucharistiam precibus, recta in Sacristiam proficiantur.

Quo loco retenta talari veste super pelliceum assument,

mant, & reliquum vestitum ad Sacrum necessarium, quod ut servos Dei decet tacite, & modestè faciant.

In ingressu Chori ad Matutinum, & alias horas, & Divina Officia is ordo servetur.

Vt paulò post ultimum campanæ signum ad rem Divinam faciendam universis in Sacristia præparatis pulsetur parvula campana, qua egressus Sacerdotum ad Missas celebrandas significari solet, ut omnes, qui in Ecclesia, vel circum eam sunt divini Officij celebrationem instare intelligant, postea omnes de Sacristia ordine procedentes exeant, & ubi se ad Altare humiliter inclinarint, suum quisque locum in Choro adeat, ibi flexis genibus, & summissa voce saltem orationem dicant Dominicam.

Deinde dato signo, vel pronunciato Pater noster per hebdomadarium ad initium Officij omnes surgant, & Officium inchoetur.

Qui verò in Ecclesia, vel circum eam, aut in Sacristia fuerit, & eo ordine chorum ingredi neglexerit, dimidia parte distributionum illius horæ privetur, vel alia pœna, ut nobis in notabiliter delinquentibus visum fuerit, legitimo tamen impedimento excludo a nobis cognoscendo.

Si quis ausus fuerit inchoare Officium, priusquam eo ordine in Chorum convenerint, & distributionem illius horæ amittet, & graviore etiam pœna à nobis plectetur.

Si quis autem aliis in Choro jam consistentibus advenierit, idem statutum servet, ut in Sacristia, & in Choro.

Si quis non venerit ad Matutinum ante finem Psalmi  
Ye-

Venite exultemus, in aliis etiam horis ante finem primi Psalmi, pro absente habeatur, illiusque horæ distributione careat.

In Missa verò, nisi venerit ante finem ultimi Kyrie eleison eamdem negligentiae penam subeat.

Omnes in Choro Divina Officia ut temporis ratio postulabit alternis vocibus canant, recitent, attentèque audiant.

Id non cursim, non perturbatè, non oscitanter, sed leniter, distinctè, ac studiosè faciant.

In Choro pro temporis, & Officij ratione ex instituto, & more Ecclesiæ sedeant, stent, flectant genua, caput aperiant, & submittant, cæteraque ejus generis adhibeant. Omnes verò equè idem faciant.

Faceessant somnus, risus, jocus, rixæ, colloquia, ne vagentur in Choro, vel Ecclesia, ne vel locum mutant, ne occasione quidem genua flectendi, nec in Choro, ubi communi officio opera datur privatim officium dicant.

Neve litteras, libros, aliave scripta legant, numos numerent, nec tribuant.

Nec exeant nisi Divino Officio confecto, ne causa quidem de communi re agendi, si necessitas non coegerit, tumque à Præfecto veniam petant.

Si cum Divina celebrantur Officia, Sacerdoti, vel Clerico, vel ministro interdum per Ecclesiam necessario sit incedendum, graviter, & modestè id faciat, neque cum ullo sermonem habeat de rebus inanibus.

Qui Dignitates, aut Personatus habent Canonici, & alij omnes, qui aliquid in his commiserint, si moniti à nobis, vel Vicario nostro, vel Præsidente Chori

Chori non resipuerit, & horæ illius distributione careant, & pro modo culpæ aliis pœnis à nobis arbitrariis plectentur.

Post Divinum Officium in Choro flexis genibus submissa voce saltem orationem Dominicam dicant. Tum resurgente, vel signum dante hebdomadario consurgant omnes, & inter se consalutantes, & ordine procedentes simul exeant, & de more ante Altare se inclinent.

Eodemque ordine ad Sacristiam progrediantur, ubi modeste, & quietè superpellicem exuant, non in Ecclesia.

Qui secus fecerit monitus à Præfeto Chori distributionem illius horæ ne capiat, & à nobis pro modo culpæ plectetur.

Quod nobis à Choro absentibus Vicarius noster perficere curabit.

Punctatores pro tempore existentes in initio sui Officij obeundi coram nobis jurare curabunt officium suum se fore fideliter executuros.

Libros punctationum diligenter custodire curabunt, & nobis, & capitulo singulis mensibus exhibere non desistant, & quoties nos, & Capitulum postularet.

Quo tempore in officio punctatoris quis permanserit Sacris Horis, & Officiis omnibus intersit, nisi absit de licentia nostra, velejus, qui Choro præsidebit, quo tempore alium vel à nobis, vel à Chori præfeto probandum substituatur, qui suo muneri satisfaciatur.

Sacristæ singulis diebus in libro ad hoc specialiter deputato, omnes, qui Missam celebraverint in nostra Cathedrali, describant, eorum conscientiam



ante Tribunal Domini onerantes, sine negligentibus extiterint, nobisque singulis mensibus dictum librum deferre curabunt, ut si legata pia celebrationis Missæ executioni demandentur, agnoscere valeamus, ut idem etiam fiat in aliis Ecclesiis, ubi Missæ legata, vel aliter celebrandæ sint, Sacristis ipsarum Ecclesiarum mandamus.

Cum à quamplurimis personis piis anniversaria, ac pia legata relicta fuerint, suo loco, tempore, & modo exequenda, & nonnulli magis licentiosè, quàm rationabiliter, & locum, & tempus, & modum contra testatorum voluntates aliter disponente aut sint, ne eorum mentes defraudentur, nec in aliquo mutantur, providere volentes, omnibus, & quibuscumque, ad quos testatorum mentes in prædictis operibus piis exequi spectat, sub excommunicationis latæ sententiæ pœna, ac brachij secularis invocatione respectivè mandamus, ne quovis modo, nec sub quovis prætextu aliter disponente audeant, quàm à testatoribus ipsis dispositum invenitur.

Puerorum in litteris, ac moribus educatio maximè Reipublicæ Christianæ necessaria, ut christiane, ac utiliter exerceatur, omnes ludi Magistros monemus, ut in suis scholis omissis prophanis auctoribus suis scholaribus Catechismum Romanum, Epistolas Divi Pauli, & Sancti Hieronymi legant, prius tamen eos in principiis grammaticalibus, ut lectiones prædictas intelligere valeant, instruendo, cum in prædictis principiis parum instructi à nobis prævio examine coram nobis facti Clericorum præcipuè reperti fuerint, quod omnino a ludi magistris Ecclesiasticis sub pœna privationis facultatis

tatis scholas exercendi fervari mandamus. Prædictos etiam ludi Magistros monemus, ac in Domino obsecramus, ut singulis diebus Dominicis cum suis scholaribus ad exercitium Doctrinæ Christianæ in nostra Cathedrali interesse velint, tantæ charitatis maximum à Deo præmium recepturi. Ecclesiasticis verò ludi Magistris, ut dicto exercitio intersint in meritum Sanctæ Obedientiæ, ac sub pœna privationis facultatis scholas tenendi præcipimus saltem ut in pluribus.

Maximum inter alia indicium, quo quis se apud Deum gratum exhibeat, verbi Dei à Concionatoribus declamati libens auditio præstantissimum locum tenet, Iesù Christo Domino nostro dicente, qui ex Deo est verba Dei audit, & cum maximâ negligentia à quamplurimis adhibeatur non sine maxima, ac publica piarum personarum admiratione, ac scandalo magis per plateas, & vicos dum Verbum Dei à concionatoribus in Ecclesia Cathedrali exponeretur, deambulare eligentes, quàm concionibus prædictis interesse, omnes & singulos Christi fideles monemus, & in domino obsecramus, ut concionibus, ac lectionibus tam in nostra Cathedrali, quam alibi interesse curent omnibus vero, & singulis de nostro Clero cujuscunque status, gradus, & conditionis sint, ad quos maximè se laicis exemplum præbere spectat in meritum Sanctæ Obedientiæ præcipimus, ut de cætero concionibus, ac lectionibus in nostra Cathedrali præcipuè sive à nobis, sive ab aliis concionatoribus habendis interesse non dedignentur, nosque ab ædibus Episcopalibus Ecclesiæ nostræ Cathedrali contiguas iuxta antiquam consuetudi-



nem ac Superiorum Statuta conciones audituri ad dictam Ecclesiam associare curabunt, sibi potius quam nobis honorem acquirere pensitantes, & ne Divini Verbi sui que Superioris contemptores scandalosè habeantur.

Nulla congregatio nec publica, nec secreta sub qua-  
vis prætectu, nec quavis de causa reddituum excep-  
pta à subditis nostris Ecclesiasticis sine nostro scitu,  
& licentia Vicarij nostri Generalis pro tempore  
existentis sub gravioribus pœnis, tam his qui con-  
vocaverint, quàm etiam his qui inter fuerint, ha-  
beatur.

Et cum ab Illustrissimo D. Visitatore Apostolico Pri-  
lo inter alia statutum fuerit singulis sextis feriis Ca-  
pitulum Canonicorum esse convocandum, omni-  
no dictum statutum observari volumus, manda-  
musque RR. DD. Decimarjis pro tempore existen-  
tibus, ut qualibet die Veneris capitulum coram  
nobis in loco solito vel nobis absentibus coram Vi-  
cario nostro convocent, In quo quidem Capitulo  
hic ordo servandus erit.

- 1 Ante omnia invocabitur auxilium Spiritus Sancti,  
in fineque Deo gratiæ agentur.
- 2 Quilibet in suo loco sedebit.
- 3 Decimarj, vel ad quos spectabit, quæ in Capitu-  
lo erunt tractanda, deinde si aliquis ex reliquis D.  
D. Canonicis aliquid proponere voluerit, propo-  
nent, & factis propositionibus, qui primum lo-  
cum tenet in Capitulo dicet votum suum, & sic  
per ordinem usque ad ultimum, nec uno votum  
suum dicente alius audeat aliquid loqui sub pœna  
privationis vocis activæ, & passivæ ad arbitrium  
nostrum. In dicto Capitulo, nec ullus injuriis ali-

quem afficere audeat sub pœna carceris per mensem, sed modestè agatur.

Expositus infans penes se schedulam testimonialem habens, quod baptizatus fuerit, si alia notitia non habeatur illum esse baptizatum baptizetur sub hac verborum formula; si tu es baptizatus, ego te iterum non baptizo, & si nondum es baptizatus ego te baptizo, &c. & si in Scheda testimoniali appareat, eidem nomen impositum fuisse, idem nomen imponatur, schedulaque testimoniali prædicta conservetur, ac in libro baptizatorum describatur.

Magistris cæremoniarum Ecclesiæ nostræ Cathedralis in meritum Sanctæ Obedientiæ mandamus quatenus omni diligentia curare debeant, ut omnia quæ in Cæremoniali Episcoporum continentur ab omnibus omnino observentur, & si qui inobedientes extiterint nobis notificentur, ut condignas pœnas recipiant, & cum prædictis Magistris quandoque abesse contingat, eorum loco substitui-  
mus Presbyterum Vincentium Benovich Mansionarium Ecclesiæ nostræ Cathedralis, cui omnes in dicto Ministerio parebunt.

Antiqua, laudabilis, & admodum religiosa consuetudo superpelliceorum absque superfluis ornamentis delatio, quæ etiam nunc apud seniores, & graviores Cleri nostri in viridi observantia existit, ut ab omnibus observetur, novis, vanis, ac superfluis ornamentis amotis in meritum sanctæ Obedientiæ, ac sub pœna pecuniaria arbitrio, &c. præcipimus.

Dum Divina celebrantur Officia in Ecclesia nostra Cathedrali, nullus in ea adscriptus ex Clero nostro  
alibi

alibi, quam in Choro se detineat; nec per Civitatem, & per plateas deambulare audeat; sed ad Deum collaudandum in Choro cum aliis interesse curet, ne Laicis occasionem scandalı præbeat, poenæque condignas luat.

Mandatum aliàs à nobis promulgatum, quod qui in die antecedenti ad Divina Officia non interfuerit, sequenti Missam celebrare non possit sub pœnis in eo contentis, decernimus tamen sub eo comprehendendi non intendimus, qui ut in pluribus interesse solent divinis, sed tantum qui immemores in sortem Domini vocatos ad Deum collaudandum in Choro notabiliter negligentes existunt.

Clerici vero temporibus, quibus scholæ non detinentur Divinis Officijs, singulisque diebus festis exercitio Doctrinæ Christianæ in nostra Cathedrali ut omnino intersint mandamus, & qui negligentes extiterint superpelliceo privabuntur, ad ordines non admittentur, & pro qualitate pertinaciæ etiam à Clericorum Consortio ejicientur, sub eisdem etiam pœnis eis præcipimus ut obedientes Magistri Cæremoniarum in his, in quibus ab eis mandatum fuerit pro cæremoniis; exequendis omni excusatione seclusa se præbeant.

Obventiones funeralium, & anniversariorum tantum præsentibus tribuantur; si tamen aliquis ex Sacerdotibus in actuali administratione Sacramentorum vel Ecclesiæ nostræ Cathedralis ministerio occupatus extiterit, nobisque in dicta Ecclesia celebrantibus adstiterit, sive infirmitate, ac impotentia detentus, dum funeralia, & anniversaria peraguntur, fuerit, portione sua licet absens non careat.

55

Prædictas Constitutiones, & Decreta Sanctæ Romanæ Ecclesiæ correctioni humiliter submittimus, nullus tamen inferior noster super eis disponere, nec à pœnis in eis contentis absolvere audeat sine nostralicentia.

Lectæ fuerunt per me Marcum Simeonich Curie Episcopalis Sibenici Cancellarium alta, & intelligibili voce coram antelato Reverendissimo D. Episcopo in Ecclesia Cathedrali Sibenici, præsentibus quam plurimis de Clero, nec non & multis alijs audientibus & intelligentibus omnibus de Synodo supra nominatis, nullo contradicente, & præcipuè præsentibus R. P. D. Bartholomeo Starbich Mansionario, & Reverendo Presbytero Marco Gradinovich itidem Mansionario testibus.

*Constitutiones in Synodo Diocesana Sibenicensi factæ ab Illust. & Reverendissimo DD. Vincentio Arrigono Episcopo Sibenici de Anno 1626. & publicatæ in dicta Synodo die 3 Junij de Anno 1626.*

- 1 **M**onemus omnes, ac in Domino obsecramus tam Ecclesiasticos, quam seculares, ut quando defertur Sanctissimæ Eucharistiæ Sacramentum ad infirmos, illud associare velint, meminerintque ij præcipuè qui in Schola dicti Sanctissimi Sacramenti sunt adscripti teneri ad associandum, aliter munia spiritualia dictæ Scholæ concessa amittunt, & Dei vindictam non effugient.
- 2 Clerici omnes qui ad Scholas accedunt singula hebdomada diebus Iovis, Veneris, & Sabbati in Ecclesia Cathedrali convenient, & coram Altaribus

Ma-

Majori, Sanctæ Crucis, & Beatæ Virginis solitas preces alias à nobis indigatas decantare curabunt, & negligentes mulctabuntur.

- 3 Dum Divina celebrantur officia in Choro, exinde recedere, nec per Ecclesiam discurrere, collo- cutionesque cum quavis persona habere nulli ex Clero nostro liceat sub pœnis arbitrio infligendis, quod exequi maximè curabit Adm. R. D. Vicarius noster, qui pro tempore exiterit, & ipso absente, qui majorem locum in Choro tenuerit, mercedem à Dei accepturi.

- 4 Dum Divina celebrantur Officia in Choro iis omni- bus qui personaliter interesse tenentur, non liceat eodem tempore Missam celebrare, nec minus ali- quod aliud officium exercere, quo præsentia eo- rum possit impediri, nec Sacristæ ullo modo eis celebrare permittant, nisi à nobis, vel à Vicario nostro ipsis injunctum fuerit sub pœnis arbitra- riis.

5 Omnibus confessoribus Ditioni nostræ subjectis in meritum Sanctæ Obedientiæ, ac sub pœna privationis ab exercitio confitendi, ne eis sub quovis prætextu pro Sanctissimi pœnitentiæ Sa- cramenti administratione non solum petere, sed nec aliquid prætereendere possint, mandamus, imo omnes in visceribus Iesu Christi D. N. mo- nemus, quod etiam à pœnitentibus voluntariè oblata non recipiant eos certiorantes majora præ- mia à Domino nostro Iesu Christo consecuturos. Caveant etiam à nimia suorum pœnitentium fa- miliaritate, quæ spretum, & scandalum parere solet. Confessionesque mulierum sub quovis præ- textu non aliter audiantur, quam in Confessio-

nariis cum superpelliceo, & Stolla, nec masculi  
pariter sine prædicto superpelliceo, & Stolla.

- 6 Constitutionem in præcedenti Synodo editam differendis superpelliceis iuxta antiquam Cleri Sibenicensis consuetudinem, prout dignitates, & graviores Canonici, & quasi omnes de dicto Clero detulerunt, & ad præsens deferunt à nonnullis superfluis prætensionibus neglectam, & non rectè intellectam confirmamus. Declarando quod liceat circa collum, & in vltima extremitate prædictorum superpelliceorum apponi aliquod modestum laborerium; à colo vero usque ad ultimam extremitatem nullo modo liceat aliquod ornamentum, vel laborerium deferre sub pœna amittendi superpellicea, & solvendi libras duodecim parvorum, quas Sacristiæ nostræ Cathedralis applicamus.
- 7 Cinctoria alterius quam nigri coloris sicut & vestes nullus ex Clero nostro ijs exceptis, quibus ex privilegio concessum est, sub pœna illa amittendi, & solvendi libras tres quas Sacristiæ Ecclesiæ nostræ applicamus.
- 8 Cum in dies experientia doceat quòd locationes cujuscunque generis assumptæ non parva inconvenientia inducere soleant, & eo etiam, quia species mercaturæ existant à Sacris Canonibus eis inhibitas, & à sanctis Patribus execratas; Ideo opportuno remedio providere, & de cætero abstineant volentes; Omnibus prædictis cujuscunque gradus, status, conditionis, & dignitatis si in meritum Sanctæ Obedientiæ, ac pœna ducatorum triginta, ac etiam iuxta qualitatem transgressionis alijs arbitrio &c. ne assumant mandamus



sine scitu, & permissione nostra, vel Vicarij nostri nobis absentibus, Contractus verò, vel instrumenta, quæ de cætero in simili materia fieri contigerint nulla, ac nullius valoris, & roboris quod Ecclesiasticos, ac si facta non essent.



59  
**CONSTITUTIONES.**

**ET DECRETA IN SYNODO DIOECESANA  
Sibenicensi.**

*Facta ab Illustrissimo, & Reverendissimo D.*

**JOANNE DOMINICO CALEGARI**  
Episcopo Sibenici die 28. Octobris 1687.

*De Doctrina Christiana.*



Nemo ignorat quam utile, & necessarium sit profitentibus Christianam disciplinam Fidei dogmatibus esse eruditos. Quapropter præcipimus Ecclesiarum Parochis, præsertim Ruralibus ut pueros, ac etiam adultos sedulo in fide diebus Festis instruant

*De Prædicatione Verbi Dei.*

Memores illius Prophetici Oraculi: Parvuli petierunt panem, & non erat qui frangeret eis: ideo Nos, cui præcipue cura Animarum incumbit committimus omnibus, & singulis Parochis vicem Nostram gerentibus, ut pro eorum munere saltem Dominicis,

Solemnioribus diebus populo sibi commisso admittrent Verbum Dei.

*De Diebus Festis & Vigiliis.*

Indicent Parochi in Missis Pa rochialibus populo, quænam sint festa ex præcepto Ecclesiæ, quænam ex Devotione. Item Ieiunia ab Ecclesia Statuta.

**FESTA DE PRÆCEPTO.**

*Iannarius.*

Circumcisio Domini.

Epiphania Domini.

*Februarius.*

Purificatio B. Mariæ Virg.

S Mathias Apost.

*Martius.*

S. Ioseph Confess.

Annunciatio B. M. Virg.

*Aprilis.*

SS. Philippus, & Iacobus  
Apost.

*Iunius.*

Nativitas S. Joannis Bapt.

SS. Petrus, & Paulus Ap.

*Iulius.*

S Iacobus Apost.

S. Anna Mater B. M. V.

*Augustus.*

S. Laurentius Martyr.

Annuntiatio B. Mariæ V.

S. Bartholomæus Apost.

*September.*

Nativitas B. Mariæ Virg.

S. Mathæus Ap. & Evang.

Dedic. S. Michaelis Arch.

*October.*

S. Simon, & Iudas.

*November.*

Fest. Omnium Sanctorum

S. Andreas Apost.

*December.*

S. Thomas Apost.

Nativitas Domini.

S. Stephanus Protomart.

S. Ioan. Apost. & Evang.

SS. Innocentes.

S. Silvester Papa, & Conf.

Pro cuiusque devotione celebranda.

<i>Ianuarius.</i>	Dedicatio S. M. ad Nives
Antonij Abbatis.	Transfiguratio Domini.
Fabiani, & Sebastiani.	S. Rocchi.
<i>Februarius.</i>	S. Augustini Ep. & Conf.
Faustini, & Jovita.	Decollatio S. Io: Baptistæ.
<i>Martius.</i>	<i>September.</i>
Gregorij Papæ.	Exaltatio S. Crucis.
<i>Aprilis.</i>	<i>October.</i>
Georgij.	S. Francisci Conf.
<i>Majus.</i>	S. Iustinæ.
Apparitio S. Michaelis.	S. Simæonis Prophetæ.
<i>Iunius.</i>	S. Lucæ Evangelistæ.
Antonij de Padua.	<i>November.</i>
Viti, Modesti, & Crescentij	S. Martini.
<i>Iulius.</i>	S. Joannis Tragaruen.
Visitatio B. M. V.	Præsentatio B. M. V.
S. Margaritæ.	S. Catharinæ V. M.
Eliæ Prophetæ.	<i>December</i>
Mariæ Magdalenzæ.	S. Barbaræ.
<i>Augustus.</i>	S. Nicolai.
Stephanus P. M.	S. Ambrosij.
Dominici Confessoris.	S. Lucie V. M.

*De Baptismo.*

Baptizati, de cætero describantur in libro, ad hoc specialiter habendo juxta formam Ritualis Romani; sub pœna arbitrio Nostro infligenda.

*De sancto Missæ Sacrificio.*

Celebrent Sacerdotes Illyrici cum habitu Clericali, & Calceamentis, in eo ritù, in quo sunt Ordinati, nec deferant Mustachios oblongos ob Reverentiam sumptionis Sanctissimæ Eucharistiæ, sub pana suspensionis.

Nullus Sacerdos cum calotta, ut vulgo dicitur accedat ad celebrandam Missam, sed tantum cum byreto ad Crucem sub pana arbitrio Nostro reservata.

*De Sacramento Penitentia.*

Quia Confessarijs Regularibus Nostræ Diœcesis, cum sint subobedientia suorum Ordinariorum, facilius patet aditus ab una Diœcesi ad aliam; propterea ad tollendas confusiones, decernimus de cætero Regularibus qui ad audiendas Confessiones, admittentur facultatem de anno in annum à confitendi fore concedendam.

Fiat Congregatio Confessariorum qualiter quinta feria, ad quam omnes Confessarii interesse teneantur.

*De Ordinatione Clericorum.*

Clerici non possint promoveri ad sacrum Subdiac-natus Ordinem nisi in Officio Nostro constare fecerint Patrimonium cujusque sufficiens esse annui redditus Ducatorum quinquaginta hujus monetæ.

Servetur omnino Tabella, seu Ratio ingrediendi  
Chorum in Cathedralis Sacristia affixa.

*De Bonis Ecclesiasticis.*

Volentes Catharticum Authenticum Bonorum Ecclesiasticorum conficere, ne per oblivionem deperdantur; præcipimus omnibus, & singulis, quomodolibet in hac Civitate, vel Diœcesi, Beneficia, Terras, Domos, livella, legata pia, vel alia quæcumque generis, possidentibus, quatenus in termino Mensium octo, teneantur in forma authentica redigere omnia bona sui Beneficij, vel Legati Ecclesiastici cum suis Confiniis, & alijs Requisitis in Cathartico reponendis, & hoc sine præjudicio si quæ essent bona usurpata quæ ad proprietatem Beneficiorum redacta intelligantur, & annotentur.

Item Ven: Capitulum Majus Dominorum Canoniorum in supradicto termino teratica, & Confinia suarum Præbendarum in Officio Nostro presentare curabit, sub pœna omnibus tam Dominis Canonis, quam Beneficiatis alijs, dicta eorum sumptibus perficiendi, si præscripta exequi neglexerint.

Oeconomi Beneficiorum detractis oneribus pro suo labore habeant decimam partem fructuum.



*De Inventarijs.*

**Cum** Scripturæ Ven: Capituli Majoris quotidie cum magno præjudicio Ecclesiæ deperdantur, ideo mandamus Adm. RR. Dominis Decimarijs præsentibus, quatenus cōficere curent Inventarium scripturarum. Sic Capitulo, ac suis successoribus per Inventarium tradant singulas Scripturas, libros, ac cætera ad dictum Capitulum spectantia, sub pænâ si neglexerint earum sumptibus perficiendi.

**Idem** observare curent Reverendi Mansionarii sub iisdem pænis.

*De Sacristia, Sacristis, ac Procuratore Sacristiæ.*

**Non** auferantur paramenta, Missalia, Calices, & cætera ad Sacristiam spectantia sine speciali licentia Sacristarum ac Procuratoris sub pænâ Duc. quinque toties, quoties &c. Fabricæ hujus Cathedralis Divi Iacobi applicandorum.

**Sacristæ** suis successoribus tradant per Inventarium omnia ad Sacristiam, & Ecclesiâ spectantia coram Procuratore Sacristiæ sub pænâ utrisque ammissionis salarij.

**Præcedenti** Vespere cujuslibet jejunii pulsent Sacristæ Campanam maiorem post signum Ave Mariæ vivorum, ut omnibus ieiunium notificetur.

**De cætero** Sacerdotes, qui in officium Sacristarum eligentur, si habiles ad Confessionem fuerint, resideant secundum antiquam, & laudabilem consuetudinem præsertim noctis tempore in Turri Campanaria cum Oleis Sanctis ad succurrendum

dum necessitatibus Fidelium: Si autem fuerint inhabiles à die prima Maij usque ad finem Octobris inclusivè tempestatum causa sub pœna arbitrio Nostro infligenda.

*De Parochis, & Sacerdotibus*

Parochi, è suis non discedant Parochijs sine Nostro, vel Vicarij Nostri Generalis facultate; Neque Sacerdotes è Diocœsi sub pœnis arbitrio Nostro reservatis.

Per Civitatem Sacerdotes Rurales, ac Parochi non incedant sine veste talari, pallio, collari, pileo, ac calceamentis: Neque pariter per Villas sine veste Clericali sub pœna transgressoribus Ducatorum quattuor fabricæ Ecclesiæ Divi Iacobi applicandorum toties quoties &c.

In Parochiis ubi cum Parocho alter reperitur Sacerdos, recitent saltem diebus festis Matutinum, & Vesperas in Ecclesiâ Parochiali alta voce.

Instruant Parochi Clericos, ac Sacerdotes suæ Curæ subjectos in Casibus Conscientiæ, cæterisque quæ ad officium Sacerdotale pertinent ut valeant in Spiritualibus fideles adiuvere, & ipsis inservire.

Non permittant populo diebus festis ex præcepto opera servilia exercere, cum sæpissimè hoc in Villis fiat.

E Propria Parochia non assentiant efferri infantes imbaptizatos in aliam, ne exponantur periculo mortis absque Baptismo; sed unusquisque infans à suo baptizetur Parocho.

Seruent Clerici Nostræ Cathedralis, Ordines per  
nos editos sub die 13. Jan. 1686.

*Ordini fatti dall' Illustrissimo, & Reverendissimo Monsignor  
Vescovo di Sebenico per li Chierici della sua Cattedrale.*

1. **T**utti li Chierici della Nostra Cathedrale doveranno frequentare quotidianamente tutti gl'Offitij Divini, & particolarmente il Matutino, dovendo stare in Coro con ogni modestia, e riverenza.
2. Li Giorni feriali doveranno tutti finito il Mattutino grande in due cori recitare fin la prima inclusive l'offitio della Beata Vergine come è stato sempre costumato.
3. Quelli due Chierici che faranno di Settimana giusta la poliza in Sacristia affissa doveranno esser li primi in Choro al Matutino & altri offitij per preparare le cose necessarie, & serviranno con pontualità le Messe nè partiranno dalla Chiesa se prima non faranno tutte le Messe finite, & il Sabato scoperanno con diligenza tutta la Chiesa.
4. Frequentaranno quotidianamente la Scuola da Noi provistagli, impararanno anco la Dottrina Cristiana, & ogni Domenica la recitaranno in Chiesa.
5. Ogni Festa principale come le Feste di Nostro Signore, della B. Vergine, e di tutti l'Apostoli doveranno Confessarsi & Comunicarsi alla Messa Maggiore, il simile faranno tutte le Domeniche dell'Auyento, e Quaresima &c.

6. Ogni

- 6 Ogni giorno doveranno recitare privatamente l'ofitio della Beatissima Vergine con la sua Corona imp'orando il suo ajuto per la professione da loro intrapresa, & acciò li dimostri la vera strada del Cielo.
  - 7 Doveranno schivare Compagnie, bagordi &c. & altro contrario alla loro professione, & vivere con esemplarità secondo ricerca il stato loro, dando buon saggio di se stessi a tutti.
  8. Non andaranno vagando di notte, ma all'Ave Maria de vivi si ritireranno in Casa non doveranno partire della Città per alcun luogo senza Nostre espressa licenza in scritto.
  - 9 Presteranno ogni riverenza, & obediienza à tutti li Religiosi, & spetialmente al Maestro di Coro al quale incomberà di fare osservare l'ordini prescritti, & tutto eseguiranno &c.
- Dato in Sebenico del Palazzo Nostro Episcopale li 13. Giugno 1686.

G. D. Vescovo di Sebenico.

*Hieronymus Clamis Canonicus, ac Canc. Epif.*

Venationes clemorosas Clericis, ac deambulationes cum armis per Civitatem prohibemus; nisi quis extra illam recta via sit profecturus: sub pœna arbitrio Nostro Reservata.

Cæterum, Decreta, ac Prædecessorum Nostrorum Constitutiones, & quæ multa piè sanxerunt, confirmamus, ac si de verbo ad verbum fuerint lectæ & de illis fuerit facta mentio specialis.

*Die*

Die 18. Octob. 1687.

Lecta fuerunt præscripta Decreta per me Canonicum Hieronymum Clamis Cancellarium, ac Notarium Synodalem, alta, & intelligibili voce coram Illustrissimo, & Reverendissimo Domino Episcopo. Præsentibus Adm. RR. DD. Canonicis Parochis, ac omnibus de Clero dictæ Synodo interuentibus, & intelligentibus nullo contradicente.

*non dnd claudius & vtr  
Rector ne vobis.*

F I N I S

VAL

1528346

162

E

32





